



IKUGA FONO

**FONO FAKAMUA
10 – 11 NOVEMA 2016
FAKAOFO**

FONO FAKAMUA

10 – 11 NOVEMA 2016

MATAKUPU	PAHINA
1. Fakahologa o na Matakupu a te Fono Fakamua	3
2. Tautoga:Pulenuku o Nukunonu ma he Hui Fono Fakamua	3
3. Tufatufaga o na Tofi Minihita	3
4. Viki o Tokelau	3
5. Fakailoaga ma Fakamanatu na Taunukuga a te Fono Fakamua mo he Lumanaki Olatia	3-5
6. Peleni mo Atiakega o te Kaufaigaluega.....	5
7. Hikitaga o na Fakamnuiaga o na Taupulega.....	5
8. Fale e nonofo ai na Konekalate a te Mataeke o Akoga	5
9. Tino Fakapitoa Hiaki Fale mo Tokelau.....	5-6
10. Huiga Fakatutu mo na Taulafono a te Kamupani Femalagakiga	6
11. Tuakoi o te Komehina o Tagata Faigaluega ma na Taupulega	6
12. Totogi o na Pule Fakahoia i luga o na Nuku ma te Pule Fakahoia I Apia.....	6-7
13. Lipoti Tauhaga mo Fakamahinoga a Tokelau 2013-2014 ma 2014 2015.....	7
14. Tautuaga Faka te Ola Malolo mo Tokelau: <i>Auala ki Mua</i>	7
15. Polihi mo te Fakaitiitia o te Ulaula I Tokelau	8
16. Penihione mo Tagata Matutua	8
17. Penefiti mo ki latou e he katoatoa te malohi	8
18. Lipoti o te DOT.TK	8-9
19. Hakilikiliga fakatatau kina Tupe Maua ma na Tupe Fakafano a Kaiga	9
20. Tuhiga Igoa	9
21. Ietahi Matakupu	9-10

1. FAKAHOLOGA O NA MATAKUPU A TE FONO FAKAMUA

MALO

FAKAAUAU

Ko te mamalu o te Fono Fakamua na:

- i. **Pahia** te Fakahologa o na matakupu a te Fono Fakamua.

2. TAUTOGA: PULENUKU O NUKUNONU MA HE HUI FONO FAKAMUA

NUKUNONU

Ko te mamalu o te Fono Fakamua na:

- i. **Matau** na fakatino muamua te tautoga a te tamana kia Petelo Hanele Patelehio i te 2015 i Nukunonu ke kavea ia ma Hui Takitaki Fono I te Fono Fakamua ma e he aofia ai ke kavea ia ma hui ki loto o te Fono Fakamua
- ii. Amanakia te tautooga a te tamana Pulenuku Petelo Hanele Patelehio mai Nukunonu
- iii. Amanakia te tautoga a te tamana kia Havelio Tumua ke kavea ia ma Hui Fono Famua ke huia ai te tamana kia Salesio Lui mo te taimi nei.

3. TUFATUFAGA O NA TOFI MINIHITA

MALO FAKAAUAU

Ko te mamalu o te Fono Fakamua na:

- i. pahia aloakia ke taukave na tiute faka-Minihitia o Tautuaga Lagolago e te tamana Pulenuku Petelo Hanele Patelehio
- ii. matau te fakailoaga mai Atafu, kua taukave e te tamana kia Keli Kalolo na tiute faka-Faipule nae taukave e te tamana kia Kuresa Nasau ona e he katoatoa te malohi o te tamana i te taimi nei.

4. VIKI O TOKELAU

MALO FAKAAUAU

Na fakalogo te Fono Fakamua ki na teuteuga a te pulotu ma tana kauhaga ki te Viki ma ko te mamalu o te Fono Fakamua na:

- i. pahia na teuteuga ki te viki o Tokelau, ko na teuteuga ia na fakatonu e te Fono Fakamua.

5. FAKAILOAGA MA FAKAMANATU IA TAUNUKUGA A TE FONO FAKAMUA MO HE LUMANAKI OLATIA

MALO FAKAAUAU

A. TAKIALA MO ATIAKEGA A TOKELAU 2016-2020

Ko te mamalu o te Fono Fakamua na:

- i. **Matau** na teuteuga kua fai ki te Peleni e tuha ai ma na ikuga fono ... a te Fono Fakamua o Iulai 2016;
- ii. **Malilie** ke toe tuku atu ki na Taupulega ma na Nuku te Peleni mo he latou matauga, oi kua tuku mai ai na lagona o na Taupulega I te Fono Fakamua e hohoko .

Atiakega lalahi a te Atunuku

Ko te mamalu o te Fono Fakamua na:

- i. **Matau** ko na atiakega uma e hula ma i te lihi ko ni moemitiga kua leva o Tokelau ma e heai he teteke ki ni vaega vagana ai te fakatulagaga pe ko iefea na vaega e fakamuamua
- ii. **Malilie** te Fono ke toe tuku atu te avanoa ki na Taupulega ma na Nuku ke tuku mai a latou fakamuamuaga;
- iii. **Malilie** ko heki pa atu ki te fakaikuga o Novema kua tuku atu na fakamuamuaga a na Taupulega ki te Ofiha o te Malo Fakaauau
- iv. **Malilie** ke tamilo te kaufaigaluega ke fakatalanoa na fakamuamuaga a na Nuku
- v. **Malilie** ka fakatonutonu e te Malo Fakaauau te taimi ma te fakatinoga o te tamloihaga tenei.

Lipoti o na Galuega Fakaauau a te Malo

Ko te Fono Fakamua na:

- i. **matau** te Lipoti o na galuega a te Malo Fakaauau
- ii. **Matau** eiei na vaega e tatau ke tuku tonu ftg ko te Huiga o te Tau ko he vaega e tatau ke toe kikila kiei pe ko tefea te mataeke e tatau ke tuku atu kiei te vaega tenei ma e heki fakatalanoa ia Nukunonu agai ki te Takiala mo na Huiga ki te Tau.

E tuha ai ma te vaega e heki fakatalanoagia ia Nukunonu agai ki te Takiala, ko te Fono Fakamua na:

- i. **Fakatonu** te Kauhaga mo na Huiga o te Tau ke fakamautinoa e fakataunuku na talanoaga ma Nukunonu ka ko heki tuku mai te Takiala ki te Fono Fakamua mo hana pahiaga.

E tuha ai ma te vaega pe ko tefea tonu te mataeke e gafa ma na Huiga ki te Tau, ko te Fono Fakamua na:

- ii. **Matau** kua tatia he tonu ko te vaega tenei e gafa tonu ma te Mataeke o te EDNRE;
- iii. **Matau** e lahi na vaega taua e gafa ma te Mataeke o te EDNRE ft. Faigafaiva, mtm

- i) **Malilie** ke tumau pea te tulaga e iei ai nei, i he galulue fakatahi o na mataeke, ke totoka te Takiala mo na Huiga ki te Tau oi toe kikila totoka ai te Fono Fakamua ki te matakupu.

I te kua matau o te Lipoti o na Galuega Fakaauau a te Malo, na fakafehiliglia ai pe ko hea he tulaga kua pa kiei he matakupu mai te Taupulega o Atafu agai ki ni tuhi mai te Fakatonu o te Tupe nae iei. Ko te Fono Fakamua na:

- i) **Matau** kua fakatotoka te galuega a te Malo Fakaauau i to na tofi Fakagaluetino i ni talanoaga puipuia ma e tautali atu ki te mamalu o te Taupulega o Atafu i he tuhi aloakia mai te Ulu o Tokelau.

6. PELENI MO ATIKEGA O TE KAUFAGALUEGA MALO FAKAAUAU

Ko te mamalu o te Fono Fakamua na:

- i. **Malilie** te Fono ke toe tuku atu te Peleni tenei ki na Taupulega mo he latou fakamautinoaga kua aofia na lagona o na Taupulega mai na fakatalanoaga taluai, i loto o te Peleni tenei
- ii. **Malilie** te Fono ke tamilo atu te kaufagaluega na gafa ma na fakatalanoaga o na Taupulega ma tukufakatahi te galuega tenei, fakatahi ma te tamana Komehina mo te fakatalanoaga o te Peleni tenei ki na Taupulega.

7. HIKITAGA O NA FAKAMANUIAGA O NA TAUPULEGA ATAFU

Ko te mamalu o te Fono Fakamua na:

- i. **Matau** te pepa
- ii. Malilie te Fono ke tuku atu te Iloiloga o na Fakamanuiaga o na Taupulega ke gafa ma te tamana Komehina fakatahi ai ma hana Komiti ki te fakatinoga o te Iloiloga tenei.

8. FALE E NONOFO AI NA FAIAKOGA KONEKALATE A TE MATAEKE O AKOGA FAKAOFO

Ko te mamalu o te Fono Fakamua na:

- i. **Matau** te pepa
- ii. **Malilie** ke iei he Komiti ke Iloilo na tau (rate) o na fale e lihi i luga o na nuku e tolu, ma ko te Komiti tenei e i loto ai na Pule Fakahoa o na Nuku fakatahi ai ma te Mataeke o Tautuaga Lagolago
- iii. **Talia** ke totogi ki na Taupulega na fale uma o na nuku e fakaaoga e na Mataeke

9. TINO FAKAPITOA HIAKI FALE MO TOKELAU

ATAFU

Ko te mamalu o te Fono Fakamua na:

- i. **Matau** te Pepa
- ii. **Talia** agaga o te Pepa
- iii. **Malilie** ke tuku atu ki na Taupulega e tolu ke filifili he tino Fakapitoa e fokotahi i luga o na nuku mo te hiakiga o na Hale.
- iv. **Malilie** ke tofia te fanau kia Fata Levi ko ia ko te Tino Fakaptioa e Pahia e ia na Hale mai te pito a te Malo
- v. **Malilie** te Fono e gafa lava te Taupulega ma te totogiga o na tino takitahi i luga o na Nuku, vena ma te tino a te Malo e totogi lava e te Malo.

10. HUIGA FAKATUTU KI NA TULAFONO O TE KAMUPANI FEMALAGAKIGA MALO FAKAUAU

Ko te mamalu o te Fono Fakamua na:

- i. **Matau** te Pepa
- ii. **Matau** ko te faitauga muamua tenei a te Fono Fakamua ki te pepa
- iii. **Malilie** ke fakafoki na huiga fakatutu ki te tulafono mo he lagona o na Taupulega;
- iv. **Matau** te auala mahani e aloakia ai ni tulafono fou pe ni huiga ki na tulafono, e hakili te leo o na nuku;
- v. **Malilie** ke tuku mai na Tulafono eiei i te taimi nei mo te vaega tenei ki na Taupulega e tolu ma he fakamatalaga ki te mafuaga e manakomia ai na taulafono ienei ke hui.
- vi. **Malilie**, ke toe tuku mai ki te Fono Fakamua ka hohoko, na huiga fakatutu ki te Tulafono o Femalagaakiga, fakatahi ai ma na lagona o na Taupulega, mo he pahiaga aloakia

11. TUAKOI O TE KOMEHINA O TAGATA FAIGALUEGA MA NA TAUPULEGA FAKAOF

Ko te mamalu o te Fono Fakamua na:

- i. **Matau** te pepa
- ii. **Maina** emanino lava te tuakoi o te komehina ma na Taupulega e tolu vagana e manakomia he fautuaga e na Taupulega mai te pito a te Komehina fakatahi ai ma te Takiala o Tagata Faigaluega .

12 .TOTOGI O NA PULE FAKAHOA I LUGA O NA NUKU MA TE PULE FAKAHOA I APIA

FAKAOF

Ko te mamalu o te Fono Fakamua na:

- i. **Matau** te agaaga o te pepa
- ii. **Talia** te pepa
- iii. **Malilie** ke tuku atu te matakupu tenei ke fakatalanoa e te tamana Ulu ma te Komehina o Tagata faigaluega.
- iv. **Malilie** pe ko afea lava e totoka ai te galuega a te Komehina, e toe totogi ki tua ki te aho na fakatatia ai te tonu a te Fono Fakamua, ke fakatutuha na levolo totogi o na Pule Fakahoa Nuku ma te Pule Fakahoa Apia i lalo o te Fauhaga mo te Fakatulagaga o na Totogi.

13. LIPOTI TAUHAGA MO FAKAMAHINOGA A TOKELAU 2013-2014 MA 2014-2015

MALO FAKAAUAU

Ko te mamalu o te Fono na:

- i. **Matau** te pepa
- ii. **Talia** te Lipoti Tauhaga mo Fakamahinoga o Tokelau 2013/2014 ma te 2014/2015
- iii. **Malilie** ke fakatino ni mafutaga fakaakoakoga i luga o na nuku mo latou uma e galulue i fakamahinoga ke atili fakamakeke to latou mafai vena foki ma ni akoakoga mo tagata nuku ke fakalauefa te malamalama ki na tulafono, vena foki ma te malamalama ki o latou hakoga kafai kua molia ki luga o te tulafono.

14. TAUTUAGA FAKA-TE –OLA MALOLO MO TOKELAU:AUALA KI MUA OLA MALOLO

Ko te mamalu o te Fono Fakamua na:

- i. **Talia** te agaaga o te Pepa
- ii. **Malilie** ke galulue fakatahi te Mataeke ma na Taupulega ma te tamana Komehina ki te fakanofotonuga ma te fakakatoatoaga o na kaufaigaluega i na falemai, kae maihe ke fakamautinoa ke fakamaua vave ni fomai ki na falemai takitahi
- iii. Matau te lavaki o te kaufaigaluega i na falemai;

- iv. Malilie ke tuku atu ki te Komehina ke toe ahia te levolo o na tototgi mo na fomai ona e matau ko te levolo e fautuagia i te Fauhaga mo te Fakatulagaga o na Totogi, e maulalo

15. POLIHI MO TE FAKAITIITIA O TE ULAULA I TOKELAU **OLA MALOLO**

Ko te mamalu o te Fono na:

- i. **Talia** te agaaga o te pepa
- ii. **Pahia** te Polihi mo te Fakaitiitia o te Ulaula I Tokelau
- iii. **Malilie** ke fakaauau te galulue fakatahi a na Mataeke o te Malo ma na Nuku I te fakatinoga ma te fakamakekega o na vaega kua takua I te Polihi.

16. PENIHIONE MO TAGATA MATUTUA

MINIHITA O TE TUPE

Ko te mamalu o te Fono na:

- i. **Talia** te Pepa
- ii. **Malilie** ke fakaauau te tonu a te Fono Fakamua ia Iulai 2016 mo te fakatinoaga o te Penihione o Tagata Matutua.

17. PENEFITI MO KI LATOU E HE KATOATOA TE MALOHI

MINIHITA O TE TUPE

Ko te mamalu o te Fono Fakamua na:

- i. **Matau** te Pepa
- ii. **Malilie** ke fakataunuku na vaega ienei:
 - a. Mataeke o te Ola Malolo ke tuku mai he fakauigaga o te 'manakoga fakapitoa'
 - e. Ke pahia te fakauigaga tenei e te Fono Fakamua ka hohoko;
 - i. Taupulega ke tuku mai ki te Mataeke o te Ola Malolo he lihi o ki latou e takua eiei ni Manakoga Fakapitoa

18. LIPOTI A TE DOT TK

MINIHITA TELETOK

Ko te mamalu o te Fono Fakamua na:

- i. **Matau** te pepa

- ii. **Malilie** ke taofi malie te pepa tenei ke pa mai te Lipoti mai Niuhila ma na;
- iii. **Fautuagia** te Ulu Fakatonu ke vave mai te Lipoti tenei ke mafai ai ona fakaauau na galuega e manakomia vave ke fakatino mo te TeleTok

19. HAKILIKILIGA FAKATATAU KI NA TUPE MAUA MA NA TUPE FAKAFANO A KAIGA

MALO FAKAAUAU

Ko te mamalu o te Fono Fakamua na:

- i. **matau** te folahaga a te Minihita agai ki te lipoti o te hukehukega e takua;
- ii. **matau** ko te lipoti e he ki fakaliliuagia ki te gagana Tokelau;
- iii. **matau** e he ki lava te taimi e tuku mai ai ki na hui fono ma na nuku foki ke matau ai te lipoti ma ona fakamatalaga;
- iv. **malilie** ke tuku atu te lipoti ki na Taupulega;
- v. **malilie** ke iei he taimi o na uhufono ke faitau ma matau ai te lipoti;
- vi. **malilie** ke taofi te fakahalalauga o te lipoti ki tagata vagana kua fakaliliu.

20. TUHIGA IGOA

MALO FAKAAUAU

Ko te mamalu o te Fono Fakamua na:

- i. **Matau** te pepa
- ii. **Malilie** te Fono ke talia te Lipoti tenei ma ke fakaaoga na fakamaumauga ienei ke fakatino ai te faiga palota I te tauhaga fou kae tuku te avanoa ki te kaufaigaluega ke tamilo ki luga o na Nuku ke fakamalamalama ki na Taupulega te Lipoti tenei.

21. IETAHİ MATAKUPU

Ko te mamalu o te Fono Fakamua na:

- i. **Fakamanatu** ki na Nuku ma te Mataeke o Tautuaga Lagoalago te tonu a te Fono Fakamua ia Iulai 2016, ke tuku atu ki na nuku ke hiaki te galuega a te Komiti a Fuaga Fenua pe katoa uma ki ei na fenua lihi I luga o fenua, ma ke fakailoa ki te Mataeke o Tautuaga Lagolago mo te toe Lipoti mai ki te Fono Fakamua ka hohoko;
- ii. **Malilie** ke toe fakamanatu ki te Komiti Fakatonutonu a te Teletok te matakupu taukave a te Fono Fakamua mai ia Iulai 2016, ke toe ahia e te

- Komiti na tau o te Initanieti ma tuku mai he fautuaga ki te Fono Fakamua ka hohoko;
- iii. **Matau** e te Fono Fakamua te tulaga he gaoi ai nei o te fakataunukuga o na fakaleleiga na fuafuagia mo na ava ma na fakafitauli patino kina Nuku, e ve o na iei te folahaga fakamanatu a te kaufono mai Atafu;
 - iv. **Talia** te fakamaina a te Minihita o te Tupe ko te fakatupega o te fakaauauga o te Polokalame Va o te Vaka ki Gauta, ei loto o te Fakatupega mo Galuega Atiake Lalahi
 - v. **Malilie** ke fakataunuku I he taimi vave te Iloiloga o na Tulafono Femalagakiga 1991, e ve ona fakatonugia e te Fono Fakamua o Iulai 2016.
 - vi. **Malilie** ke fakatonugia te Mataeke EDNRE ke iei he galuega vave e tautali ai ki te fakafitauli kua fakalalahi nei tau kina manu fakalafua I luga o na Nuku
 - vii. **Matau** te fakailoaga a te hui o te Ulu Fakatonu, agai ki te pepa mai te Ulu Fakatonu ki te Malo Fakaauau agai ki te Pulepulega o Faiga Faiva;

Fakamaonia e



Hamu Pili
Takitaki Fono

I te aho 15 Novema 2016

LIHI O KI LATOU NA FAKATAKI KI TE FONO FAKAMUA

FAKAOFO

KAUFONO
Ulu o Tokelau, Faipule Afega Gualofa
Pulenuku Mose Pelasio
Gau Gualofa
Tinielu Tuumuli
Pale Sosene
Fofo Tuisano
Mali Pue

HAUATEA

Tana Malaki
Liutu Gualofa

TOEAINA FAKAOFO
Taupati Peleni
Pahi Niko
Milo Niko
Ilai Esera

HAUATEA

Safiti Vavega
Sio Sio

OIFIHA O TE ULU FAKATONU

Maria Reynen-Clayton
Tim Stewardson

NUKUNONU

KAUFONO
Faipule Siopili Perez
Pulenuku Petelo Patelesio
Lino Isaia
Zak Patelesio
Have Tumua
Lepeka Amato-Perez

KOMIHI FAKAGALUETINO

Komehina Casimilo Perez
Aleki Silao

HUI TAKITAKI FONO

Sela Saumanu

KAUFAIGALUEGA

APIA
Jovilisi Suveinakama
Ake Puka-Mauga
Heto Puka
Himona Mei
Tiso Fiaola
Ioane Puka
Mapu Junior Tapuai
Rumana Khan
Iapi Jaasperse

ATAFU

KAUFONO
Hui Faipule Kelihiano Kalolo
Matua Minihita Saili Patea-Peau
Pulenuku Faafetai Taumanu
Iosua Aleni
Stanley Lopa
Tanu Filo
Mika Kalolo

ATAFU
Olita Hakai
Poasi Tuitolova
Ioane
Naniseni Taupau

NUKUNONU
Aukusitino Vitale
Mika Perez
Dr Silvia Tavite
Dr Hla Thein
Sefo Leo
Viliamu Ioapo

FAKAOFO
Neta Tofiga
Mete Lui
Pafelio Tumua
Safiti Lomi
Tavita Pue
Kovati Gasologa
Heo Peleni
Tavita Gualofa
Hina Kele